

PROGRAM SARAJEVSKOG OTVORENOG CENTRA POVODOM 8. MARTA 2018 - MEĐUNARODNOG DANA ŽENA

Ideja i simbolika 8. marta vezuje se za početke industrijalizacije i 1857. godinu, kada su se tekstilne radnice u New Yorku organizovale da bi skrenule pažnju na loše uslove rada i niske plate. Policija je razbila njihove demonstracije, ali je to rezultiralo osnivanjem prvog sindikata radnica. Protesti 8. marta su se događali i narednih decenija, a najmasovniji i najpoznatiji je bio 1908. godine kada je 15.000 žena marširalo New Yorkom tražeći kraće radno vrijeme, bolje plate i pravo glasa. U Kopenhagenu je 1910. godine održana prva Međunarodna ženska konferencija, koju je organizovala Socijalistička internacionala, kada je na prijedlog socijalistkinje Clare Zetkin ustanovljen Međunarodni dan žena. Ideja je bila da žene svuda na svijetu 8. marta organizovanije, masovnije i glasnije nego inače, skreću pažnju na uslove rada i zahtijevaju prava koja im pripadaju. Godine 1911. Međunarodni dan žena obilježilo je preko milion osoba u Austriji, Danskoj, Njemačkoj i Švicarskoj, koje su izašle na ulice da podrže pravo žena na rad, na obrazovanje, na učešće u političkom životu. Mart 1911. pamti se i po požaru u jednoj njujorškoj fabrici, kada je poginulo više od 140 radnica, većinom imigrantkinja.

Žene Bosne i Hercegovine organizovale su masovni javni skup 8. marta 1913. godine, na Međunarodni dan žena. Taj skup se pretvorio u protestni skup na kojem su okupljene zahtijevale, prije svega, ekonomsko i političko oslobađanje žena. Na skupu je pročitan i pozdravni telegram Clare Zetkin, koji je poslala u ime Međunarodne organizacije socijaldemokratkinja. U Sarajevu je 1918. godine masovno obilježen 8. mart, kao javna Proslava ženskog dana, gdje se okupilo oko 2000 žena iz čitave zemlje i svih vjeroispovijesti.

Proslavljanje 8. marta je postalo dio kulture mnogih zemalja, koje su baštinile ideje o važnosti radničke, socijalističke, ekonomske i političke borbe protiv nejednakosti, seksizma i svih drugih nepravdi koje proizlaze iz neravnopravnosti spolova. Ujedinjeni narodi su 1977. godine donijeli rezoluciju o redovnom obilježavanju 8. marta kao Međunarodnog dana žena.

Sarajevski otvoreni centar, kao feministička organizacija koja zagovara puno poštivanje ljudskih prava i društvenu inkluziju LGBTI (lezbejki, gej, biseksualnih, trans* i interspolnih) osoba i žena, organizuje niz aktivnosti kojima će obilježiti ovaj značajni dan i kojima će skrenuti pažnju javnosti na goruće probleme koji se tiču rodne ravnopravnosti u Bosni i Hercegovini.

**PROGRAM SARAJEVSKOG OTVORENOG CENTRA
POVODOM 8. MARTA 2018 - MEĐUNARODNOG DANA ŽENA**

Kad?	Šta?	Gdje?	Kontakt osoba:
07-21.03.2018.	<p>BILBORD KAMPANJA na WIKIvanje</p> <p>Postoji 4 puta više članaka o muškarcima nego o ženama na Wikipediji, a 9 od 10 osoba koje kreiraju i uređuju sadržaj na Wikipediji su muškarci. Ovom kampanjom pozivamo djevojčice, žene, ali i dječake i muškarce da uređuju Wikipediju i kreiraju sadržaj o značajnim ženama iz BiH. Neka bh. žene i na Wikipediji budu zabilježene!</p> <p><i>Znate li koja žena je osnovala prvu djevojačku školu u Sarajevu? Znate li ko je bila prva doktorica u BiH? Provjerite i/ili dopunite na www.soc.ba/wikigapbih</i></p> <p><i>Bilbord kampanja se realizira uz podršku Švedske agencije za međunarodni razvoj i saradnju (Sida).</i></p>	<p>ulice gradova</p> <p>Sarajevo Tuzla Banja Luka Mostar</p>	<p>Maida Zagorac</p> <p>maida@soc.ba 033/551-000</p>
07.03.2018. 11-15 h	<p>UREĐIVANJE WIKIGAPBiH BiH-ŠVEDSKA EDIT-A-THON</p> <p>Početni i centralni događaj vezan za globalnu kampanju #WikigapBiH će se održati u Sarajevu, na kojem će veći broj ljudi na Wikipediju unositi informacije o ženama u BiH koje su dale značajan doprinos u raznim oblastima javnom života. Ovaj događaj je polazna tačka, inspiracija i uvodni trening za sve koji_e žele da u budućnosti uređuju sadržaj vezan za žene i njihovu vidljivost na Wikipediji. Ambasador Švedske će otvoriti #WikiGapBiH Edit-a-Thon.</p> <p><i>Ovaj Edit-a-Thon se organizira u saradnji sa Ambasadom Švedske u Bosni i Hercegovini, uz finansijsku podršku Švedske agencije za međunarodni razvoj i saradnju (Sida).</i></p>	<p>Sarajevo</p> <p>Networks</p> <p>Skenderpašina 1</p> <p>*Zbog ograničenog broja mjesta, prisustvo događaju je samo uz prethodni poziv.</p>	<p>Vladana Vasić</p> <p>vladana@soc.ba 033/551-000</p>

**PROGRAM SARAJEVSKOG OTVORENOG CENTRA
POVODOM 8. MARTA 2018 - MEĐUNARODNOG DANA ŽENA**

<p>08.03.2018. 11-13 h</p>	<p>TEMATSKA SJEDNICA <i>U susret izborima 2018</i></p> <p>Komisija za ostvarivanje ravnopravnosti spolova Predstavničkog doma Parlamentarne skupštine Bosne i Hercegovine, u saradnji sa Agencijom za ravnopravnost spolova Ministarstva za ljudska prava i izbjeglice BiH i Sarajevskim otvorenim centrom, uz podršku Misije OSCE u BiH, organizira Tematsku sjednicu pod nazivom: “U susret izborima 2018”.</p> <p>Na sjednici će se razgovarati o aktivnostima koje domaće institucije i nevladine organizacije, kao i međunarodne organizacije poduzimaju u cilju uspostavljanja ravnopravnosti spolova u javnom i političkom životu, kao i očekivanja u tom pogledu od predstojećeg izbornog procesa.</p> <p>U svečanom dijelu sjednice biće dodijeljena priznanja za doprinos u ostvarivanju ravnopravnosti spolova u 2017. godini.</p>	<p>Sarajevo</p> <p>Parlamentarna skupština Bosne i Hercegovine Plava sala – IV sprat</p> <p>Dolazak se potvrđuje najkasnije do 5. marta 2018. godine putem e-maila: davorin.semnik@parlament.ba.</p>	<p>Maida Zagorac</p> <p>maida@soc.ba 033/551-000</p>
<p>08.03.2018. 16 h</p>	<p>IZLOŽBA <i>Bez sebe – drama svakidašnjeg u govoru bosanskih žena</i></p> <p>U saradnji sa Sarajevskim otvorenim centrom Muzej književnosti i pozorišne umjetnosti BiH organizira izložbu na temu vraćanja humora u feministički diskurs kroz ilustracije kardinalnih izraza bosanskohercegovačkih žena, poput <i>Ne znam jesam pošla il sam došla</i>.</p> <p>Autorica izložbe: Šejla Šehabović Ilustracije: Dejan Slavuljica</p> <p><i>Izložba se realizuje uz finansijsku podršku Švedske agencije za</i></p>	<p>Sarajevo</p> <p>Muzej književnosti i pozorišne umjetnosti</p> <p>Sime Milutinovića Sarajlije 7</p>	<p>Jasmina Čaušević</p> <p>jasmina@soc.ba 033/551-000</p>

**PROGRAM SARAJEVSKOG OTVORENOG CENTRA
POVODOM 8. MARTA 2018 - MEĐUNARODNOG DANA ŽENA**

	<i>međunarodni razvoj i saradnju (Sida).</i>		
--	--	--	--